

四庫全書薈要

• 乾隆御覽本

集部

石湖詩集卷四

宋 范成大 撰

賀樂文先生南郭新居

新堂燕雀喜竹籬挂藤蘿  
崩奔風濤裏得此巢龜荷  
西山效爽氣南浦供清波  
會心不在遠容膝何須多  
先生淮海俊踏地嘗兵戈  
飄飄萬里道芒屨厭關河  
風吹落 下邑楚語成  
吳歌豈不有故國荒垣鞠  
秋莎無庸說當

歸到處皆南柯卜遷不我遐一水明青羅閉戶長獨往  
奈客剝啄何會令蒼苔石屐齒如蜂窠

歲旱邑人禱第五羅漢得雨樂先生有詩次韻

海山之湫龍所宮濺瀑下赴聲淙淙碧臚大士何許主  
愛此匹練飛冥濛偶然宴坐百年劫神力悲願俱無窮  
向來火雲挾日走沙煎日爛千山童陸渾風高煽熱屬  
涇川草肥間雨工萬口咄咄叫此士爐燎未吐誠先通  
暮塵捲地羊角暗朝霞橫天魚尾紅商羊摩霄鳶起舞

居然一澗歌年豐人言佛陀入三昧斷取世界如旋蓬  
指麾釋梵駿奔走況爾風伯并雷公風騷老將亦贊喜  
筆陣獨埽詩壇空嗟余嘯咏不釋手一曲何啻歌三終  
次韻時叙賦樂先生新居

愚士繁俗如囚奴至人遺形與化俱紛紜覺夢不可辨  
蘧蘧栩栩知誰歟百年如泡亦如電剛欲鑄鐵充門樞  
列仙之懼墮山澤一席三椽良有餘平生欽噫百戰勇  
頓挫久已歸夷途光芒無用入詩句青天白日轟雷車

松煤繭紙妙揮埽芸香錦囊深貯儲紫露雙瓶春夜醉  
黃雲一稜秋田租誰能搏扶北溟海政爾歸卧南陽廬  
鴻飛冥冥隔雲雨弋人可慕不可呼

病中夜坐呈致遠

似霧如煙夜氣浮鶴鳴驚睡起搔頭含風竹影淡留月  
著雨蛩聲深怨秋萬事心空癡已慣百骸歲晚病相投  
便當採藥西山去脚力蹒跚怕遠游

戲題藥裏

捲却絲綸颺却竿莫隨魚鼈弄腥涎須知別有垂釣處  
枯海無風浪拍天

夜歸

竹輿伊軋走長街掠面風清醉夢迴曲巷無聲門戶閉  
一燈猶照酒壚開

田舍

呼喚攜鋤至安排築圃忙兒童眠落葉烏雀噪斜陽煙  
火村聲遠林菁野氣香樂哉今歲事天末稻雲黃

戲題致遠書房

照叢菊壓萬黃金  
歌架薇條半綠陰  
逋客已隨丹鳳詔  
但餘花草怨秋深

烏戍密印寺

烏戍即今之烏鎮  
青堆今曰青鎮

青堆溪上水平堤

烏堆東岸  
謂之青堆

絳瓦參差半掩扉

殿用純  
紅瓦色

欄我與聖公俱客寓

聖翁本汀州白衣巖主號定光佛  
者連南夫知州載神像歸寄於寺

之藏前香  
火蕭然

人傳帝子尚靈威

寺有昭明  
太子祠

勝緣齟齬三重

障

東佛閣三造不成今據  
見材取次成之猶殊勝

志士辛勤十載歸

鍾樓乃一  
僧發心束

髮為商文川廣得錢二萬緡  
凡十年復稅而歸樓始成

花木禪房都不見但餘蝙蝠

蝠畫羣飛

僧房皆為狹門深洞極  
暗行百餘步不辨人

月夜泛舟新塘

溪上清風柳萬重綠煙無路月朦朧  
船頭忽逐回塘轉  
一水迢迢却向東

客舍

穀擊肩摩錦繡堆朝聲洶洶暮聲催  
忽然憶起長橋路  
天鏡無邊白鳥迴



病中夜坐

村巷秋春遠禪房夕磬深  
飢蚊常繞髻暗鼠忽鳴琴  
薄薄寒相中稜稜瘦不禁  
時成洛下詠却似越人吟

秋芸有春綠

秋芸有春綠踈籬照孤芳  
清霜早晚至何草能不黃  
寧當念衰落政爾事容光  
及時且自好來日殊未量

三湘怨

牙檣畫櫓搖漾三湘浦  
佳人翔綠裾含顰為誰舞  
拳

拳新荷葉愁絕煙水暮風雲忽飄蕩隱約聞簫鼓

夜發崑山

歲寒人謹戶霜重獨登舟弱櫓搖孤夢踈篷蓋百憂但  
吟今不樂豈計幾宜休慚愧沙湖月年年照薄遊

十一月十二日枕上曉作

竹響風成陣窓明雪已花柴扉吟凍犬紙瓦啄飢鴉宿  
酒欺寒力新詩管歲華日高猶擁被葍食媿鄰家

南樓望雪

夜月流瑤圃春風滿玉都  
籬疎先剝落樹密正模糊  
亂點橫煙鴈驚啼失木烏  
醉魂方浩蕩風袖不支梧

除夜書懷

運斗寅杓轉周天日御回  
夜從冬後短春逐雨中來  
鬢綠看看雪心丹念念灰  
有懷憐斷鴈無思惜踈梅  
絮厚眼生纈蔬寒腸轉雷  
燭花紅瑣碎香霧碧徘徊  
昨夢書三篋平生酒一杯  
牀頭新曆日夜上舊塵埃  
搖落何堪柳紛紜各夢槐  
隙光能幾許世事劇悠哉  
岐路東西變

羲娥日夜催頭顱元自覺懷抱故應開踴躍金何意青  
黃木自灾身謀同斥鷃政爾願蒿萊

戲題澹菴小偈

莫問前程事漂然海上舟命乖逢鬼國緣合遇蓮立畢  
竟非身計俱成錯路頭故鄉隨脚是流浪不知休

偶書

出處由人不繫天癡兒富貴更求仙東家就食西家宿  
世事何緣得兩全

題立雪圖

堂下心如鐵  
卷中語似雷  
有人參此語  
三箇一坑埋

題日記

誰言萬事轉頭空  
未轉頭時亦夢中  
若向夢中尋夢覺  
覺來還入大槐宮

題張氏新亭

水楊成暝翠  
相遮猶有東風管  
歲華葉底青梅無數子  
梢頭紅杏不多花  
煩將鍊火炊香飯  
更引長泉煮鬪茶

約我詩成須疥壁莫嗔歌側似歸鴉

玉臺體

捲幔燈千朶鈎簾月半弓繡鴛翔澀水金雀跂屏風  
細意翩長袖多情結短封銅壺從婉婉玉佩正丁東

枕上

明月無聲滿屋梁夢餘分影上人牀素娥脉脉翻愁寂  
付與風鈴語夜長

斑駁

斑駁別後月纖纖門外踈桐影畫簾留下可憐將不去  
西風吹上兩眉尖

題傳記二首

莫將綵筆寄朝雲紅淚羅巾隔路塵說與東風無限恨  
倩風吹斷去年春

綵舟歸去海山青寂寞瑤臺月自明啼雨落花春已盡  
夢魂何必更多情

病中絕句八首

空裏情知不著花  
逢場將病當生涯  
蒲團軟暖無時節  
夜聽蚊雷曉聽鴉

溽暑薰天地湧泉  
彎跽避濕挂行纏  
出門斟酌無忙事  
睡過黃梅細雨天

石鼎颼颼夜煮湯  
亂拖芝朮闌溫涼  
化兒幻我知何用  
祇與人間試藥方

病中心境兩俱降  
猶憶江湖白鳥雙  
一夜雨聲鳴紙瓦  
聽成飛雪打船窓



檐頭排溜密如簾溪上層陰定解嚴  
寂是看山竒絕處  
白雲堆絮擁青尖

夜合梢頭蘸紫茸  
菘葱頂上折黃封  
去年團扇題詩處  
依舊踈簾細雨中

盆傾瓴建夜翻渠  
繞屋蛙聲一倍粗  
想見西堂渾不睡

明朝踏濕看菖蒲

謂現  
老

晴色先從喜鵲知  
斜陽一抹照天西  
竹雞何物能無賴  
如許泥深更苦啼

病中三偈

擾擾隨流無定期  
波停浪息始應知  
一塵不偶同歸處  
四海無親獨步時  
苦相打通俱入妙  
病緣纔識更何疑  
霜清木落千山露  
笑殺東風葉滿枝

一交銷取萬黃金  
將病求醫枉用心  
化盡此身成藥樹  
不妨栽得病根深

莫把無言絕病根  
病根深處是無言  
丈夫解却維摩縛  
八字轟開不二門

雲間湖光亭

微風不動斂濤湍  
組練晶晶色界寒  
斜照發揮猶未盡  
月明殘夜更來看

高景菴泉亭

峰頭揮手笑紅塵  
天入雙眸洗翳昏  
萬里西風熟杭稻  
白雲堆裏著黃雲

晚入盤門

人語嘲喧晚吹涼  
萬窓燈火轉河塘  
兩行碧柳籠官渡

一簇紅樓壓女牆  
何處采菱聞度曲  
誰家拜月認飄香  
輕裘駿馬慵穿市  
困倚蒲團入睡鄉

九月三十日夜出關候致遠不至

風勁便輕棹  
霜嚴怯敝裘  
青山蟠巨浸  
紅樹立滄洲  
月黑鴈猶去  
燈寒人更愁  
煙松漫小峴  
何處問鳴騶

次韻致遠自毘陵見寄二首

黃鵠高飛碧落寒  
向來山水夢驚殘  
故情若問元真子  
依舊江頭把釣竿

新詞一闕話羈愁清似寒泉咽隴頭官下有誰同此况  
仲宣應是獨登樓

元日山寺

聽熟朝魚又暮鐘全將慵懶度三冬貪眠豹褥窓間日  
怕擁駝裘陌上風登版自憐行蹭蹬讀碑仍怪視蒙籠  
少年豪壯今如此畧與殘僧氣味同

題記事冊

北山山下小菴居佛劫仙塵只故吾八萬四千空色界

不離一法認毘盧

寄贈致遠并呈現老

草草家風節物新從來憂病不憂貧  
琴書稍覺浮生誤香火惟知此事真  
室裏空談思二士花間對影謾三人  
祇愁盧李分攜後別有箜篌一曲春

春後微雪一宿而晴

綵勝金幡換物華垂垂天意晚  
平沙東君未破含春蕊  
青女先飛剪水花  
夜逐回風鳴瓦墮  
曉成疎雨滴檐牙

朝暾不與同雲便烘作晴空萬縷霞

雪霽獨登南樓

雪晴風勁晚來冰樓上奇寒病骨驚雀啄空檐銀筍墮  
鴉翻高樹玉塵傾青帘閃閃千家靜黃帽亭亭一水橫  
坐久天容却溫麗一彎新月對長庚

次時叙韻送至先兄赴調

梅柳欲動風作難行人意在飛鴻間一官遠遊門戶弱  
百歲上策身心閒胸次饒渠有廊廟夢魂叵使無江山

栽桃種杏須付我已辦鐵鎖遲公攀

上沙遇雨快涼

刮地風來健葛衣一涼便覺暑光低雲頭龍挂如垂筋  
雨在中峰白塔西

自天平嶺過高景菴

卓筆峰前樹作團天平嶺上石成闌綠陰匝地無人過  
落日秋蟬滿四山

高景山夜歸



伊軋籃輿草露間  
夜涼月暗走孱顏  
忽逢陂水明如鏡  
照見沉沉倒景山

白雲嶺

路入千峰一線通  
陸離長劍立天風  
五年領客題詩處  
正在孤雲亂石中

偃月泉

松風竹露午猶寒  
知有龍蟠一掬慳  
我欲今年來結夏  
莫高岫幌掩雲關

代人七月十四日生朝

秋入壺中玉宇鮮  
芝蘭桃李共熙然  
已饒瑞莢明朝滿  
先借清蟾一夜圓  
北闕紫泥應道路  
東山紅袖莫雲煙  
如今且醉江湖酒  
來歲城南尺五天

題金牛洞

洞在宣城之成山前此燕廢無聞自魏公尚書發之常有笙簫仙音之瑞

故鄉江吳多好山  
筍輿篾舫相窮年  
春風吹入江南陌  
疊障雙峰如舊識  
聞道金牛更孱顏  
古來鐵鎖高難攀  
自從仙伯弭芝蓋  
鳳舞鸞歌開洞天  
新詩騰說山中妙

我不曾游先夢到從渠弱水隔蓬萊雲山何處無瑤草  
曉自銀林至東灞登舟寄宣城親戚

曉山障望眼脉脉紫翠橫澄江已不見況乃江上城結  
東治野裝木末浮三星羸馬隴頭嘶小車谷中鳴亭亭  
東灞樹練練綠浦明篙師笑迎我新漲沒蘋汀徑投一  
葉去雲水相與平聊將塵土面照此玻瓈清懷我二三  
友高堂晨欲興風細桐葉墮露濃荷蓋傾凝香繞燕几  
安知路傍情

讀唐太宗紀

平內  
難

官府相圖勢不收國家何有各身謀縱無管蔡當時例  
業已彎弓肯罷休

弟兄相賊數天倫自古無如舜苦辛掩井捐階危萬死  
不聞親殺鼻亭神

佐命諸公趣夜裘爭言社稷要靈長就令昆季尸神器  
未必唐家便破亡

建成回馬欲馳歸元吉行趨武德闈若使兩人俱得去

却於何處極兵威

嫡長承祧有大倫  
老公愛子本平均  
只知世上尋常理  
爭信英雄解滅親

重讀唐太宗紀

立晉王

父子情深苦亦深  
蓋天神武一沾襟  
想當拔刃投牀際  
也憶海池舟裏心

承乾謀父保天年  
青雀圖兄亦兩全  
隱刺諸兒却拏戮  
一私知隔幾山淵

更張聊欲亢吾宗  
仁孝承家合至公  
天發殺機那可料  
正投阿武禍胎中

石湖詩集卷四

謹案卷一第四頁後三行金杯漱灑晚粧寒按宋  
詩鈔杯作盤與此異

第四頁後八行已被仙宮聖得知刊本宮訛官據  
宋詩鈔改

第七頁後五行我乃羈旅人刊本羈旅訛畸於據  
宋詩改

第八頁前四行天旋地遊日月其根刊本闕月字

今補



第九頁前二行芳意竟寂寞刊本寞訛莫據宋詩

改

卷二第十頁後三行百疊烟鬟照眼明刊本照訛  
得據宋詩改

卷四第一頁前四行南郭新居按宋詩鈔作南郊  
與此異

第四頁後八行牙檣卷畫櫓搖漾刊本畫訛畫據  
宋詩改

第五頁後一行樹密正模糊刊本模訛模據宋詩

改

第十頁後一行官下有誰同此况刊本缺况字今

補





總校官庶吉士臣侍朝

校對官編修臣莫瞻菴  
騰錄監生臣和其聲

欽定四庫全書薈要

集部

石湖詩集卷

八

五至

詳校官助教臣謝登雋



石湖詩集卷五

宋 范成大 撰

復自姑蘓過宛陵至鄧步出陸

東  
魏家饋食僅為藩酒市停驂竹廡門紅樹亭亭棲晚照  
黃茅杳杳被高原飲溪有跡於菟過掠草如飛扑渥翻  
車軌如溝平地少飽帆天鏡憶江村

題南塘客舍

閒裏方知得此生癡人身外更經營君看坐賈行商輩  
誰復從容唱渭城

南塘冬夜倡和

燃萁烘煖夜窓幽時有新詩趣倡酬為問灞橋風雪裏  
何如田舍火爐頭寒缸欲暗吟方苦凍筆難驅字更遒  
絕笑兒癡生活淡略無歲晚稻梁謀

游金牛洞題石壁上

仙翁舊游處琅璈韻靈曲至今有餘音玄鶴舞幽谷衆

真期我住歲晚芝田熟腰鏡從翁來籜雲跨飛鹿

淨行寺傍皆圩田每為潦漲所決民歲歲興築患  
糧絕功輒不成

崩濤裂岸四三年落日寒煙正渺然空腹荷鋤那辦此  
人功未至不闕天

衮山道中

虎嘯狐鳴苦竹叢魂驚終日走蒙茸松林斷處前山缺  
又見南湖數十峰



花山村舍

潦退灘灘露沙虛岸岸頽澗聲穿竹去雲影過山來柳  
苗粘枝住桑花共葉開菴廬少來徃門巷濕蒼苔

清明日狸渡道中

灑灑沾巾雨披披側帽風花燃山色裏柳卧水聲中石  
馬立當道紙鳶鳴半空墻間人散後烏鳥正西東

寒食客中有懷

江郭花開也寂寥不須綠暗與紅凋疾風甚雨過寒食

白日青春吟大招芳景尚隨流水去故人應作綵雲飄  
煙波千里家何在惟有溪聲似晚潮

南塘寒食書事

埂外新陂綠岡頭宿燒紅裹魚蒸菜把饋鴨鎖筠籠酒  
侶晨相命歌場夜不空土風并節物不與故鄉同

周德萬攜孥赴龍舒法曹道過水陽相見留別女  
弟

草草相逢小駐船一杯和淚飲江天妹孤忍使行千里

兄老那堪別數年馬轉不容吾悵望櫓肯為汝留連  
神如相此俱強健綠髮歸來慰眼前

高淳道中

路入高淳麥更深草泥霑潤馬駸駸雨歸隴首雲凝黛  
日漏山腰石滲金老柳不春花自蔓古祠無壁樹空陰  
一簞定屬前村店衮衮炊煙起竹林

夜至寧菴見壁間端禮昆仲倡和明日將去次其

韻

杉松廡門森老蒼佛屋深夜幡花香借牀睡倒恍何處  
夢隨潛魚聽鶯柳啞啞禽語曉光淨窻率草鳴朝雨涼  
哦詩出門懷二妙春漲繞山湖水黃

行唐村平野晴色妍甚

煖日烘繁梅穠香撲征鞅雲煙釀春色心目兩駘蕩柳  
眉翠已掃柔眼青未放茲遊定不俗前路八千嶂

嶺上紅梅

霧雨黧脂照松竹江南春風一枝足滿城桃李各嫣然

寂寞傾城在空谷城中誰解惜娉婷遊子路傍空復情  
花不能言客無語日暮清愁相對生

浙東參政寄示會稽蓬萊閣詩軸次韻寄題二首

仙翁來佩玉符麟綠髮無霜照碧筠永夜闌干千嶂月  
清風揮塵七州春塵埃不隔壺中境功業猶闕物外身  
驚鶴莫驚兵衛峻主人元是白雲人

鰲背飛來紺碧浮人間還有小蓬丘不須擊水三千里  
已歷中天十二樓羽駕舊曾將夢到芝田今合為公秋

玉霄有客方東望，竟欲乘風馭氣遊。

外舅輓詞二首

植德千章茂，劘材百鍊剛。事功纔止此，物理故難量。鴈  
序雲天遠，蘭階雨露芳。公無憾身後，人自惜堂堂。

幽介聯昏，援門闌閱，歲更方欣。承燕几，何意寫銘旌。笑  
語猶尋夢，恩勤已隔，生情傷到深處，有淚不勝傾。

天平先隴道中時將赴新安掾

霜橋冰澗淨，無塵竹塢梅。溪未放春，百疊海山鄉夢熟。

三年江路旅愁生  
松楸永寄孤窮淚  
泉石終收漫浪身  
好住鄰翁各安健  
歸來相訪說情真

元夕泊舟霅川

蓮炬光中月自圓  
人情草草競華年  
最憐一夜旗亭鼓  
能共鐘聲到客船

桐川郡圃梅極盛皆圍抱高木浙中無有

家住丹楓白葦林  
橫枝一笑萬黃金  
玉溪園裏逢千樹  
還盡春風未足心

牧馬山道中

土橋茅屋兩三家竹裏鳴泉漱白沙  
春色惱人無畔岸  
亂飄風袖拂梅花

宿牧馬山勝果寺

佛燈已暗還吐旅枕纔安却驚月色  
看成曉色溪聲聽  
作松聲

游寧國奉聖寺

松梢臺殿鬱高標山轉溪迴一水朝  
不惜褰衣呼小渡



夜來春漲失浮橋

自寧國溪行至宣城舟人云凡百八十灘

波驚石險夜喧雷  
曉泊旗亭笑眼開  
休問行人緣底瘦  
適從百八十灘來

次韻宣州西園二首

苔茵無地着紅塵  
芳草含芳一笑新  
不待東君能剪刻  
相公筆力挽回春

星芒垂耀筆牀寒  
河漢波流硯滴乾  
槩几松跼入三昧

一篇詩就一杯殘

晚步西園

料峭輕寒結晚陰  
飛花院落怨春深  
吹開紅紫還吹落  
一種東風兩樣心

送端言

東君留戀一分春  
蜂蝶闌珊燕子新  
桃李無情空綠徑  
市橋楊柳送行人

早發竹下

結束晨裝破小寒跨鞍聊得散疲頑行衝薄薄輕輕霧  
看放重重疊疊山碧穗吹煙當樹直綠紋溪水赴橋彎  
清禽百轉似迎客正在有情無思間

小澗

石礙珠流濺灘平霧縠鋪小童能好事繫馬斲菖蒲

次韻子文探梅水西春已深猶未開水西謂歛溪  
而黃君謨州學記云頻江地卑蓋此水為浙之源  
正可謂之江也

孤山山下小斜橋客魂曾共暗香飄五年不踏西湖路  
想見黃昏清淺處如今憔悴古江干豈有幽芳伴倚欄  
臘盡雪殘春不至坐令愁裏眼長寒霜稜未貸千林槁  
門外風餐人欲倒斟酌芳心正怯寒有情真被無情惱

後催租行

老父田荒秋雨裏舊時高岸今江水傭耕猶自抱長飢  
的知無力輸租來自從鄉官新上來黃紙放盡白紙催  
賣衣得錢都納却病骨雖寒聊免縛去年衣盡到家口

大女臨歧兩分首今年次女已行媒亦復驅將換升斗  
室中更有第三女明年不怕催租苦

次韻子文衝雨迂使者道聞子規

夢魂翾翅翅鼻息吼鼙鼓喚起治曉裝馬嘶童僕語汨  
泥溷鳧鶩慚愧黃鵠舉猥吟陬隅池浪廢桔槔圃啼鵲  
撩客心鈎引着何許請歌蘇仙詞歸耕一犁雨

奉題胡宗偉推官攬秀堂

城外屏峰雲百疊城裏看雲笏拄頰山靈自與人爭秀

明滅煙霏難應接南鄰范叔骨相寒不如騎曹知愛山  
晨霞儻可救枵腹丐君分我入朝餐

次韻太守出郊

曉裝緹騎踏芳辰江為安瀾露浥塵  
荼戟前驅留住月笙簫後備帶行春  
魚龍水面金杯滿鸞鶴山頭綵筆新  
聞道將軍寬禮數不辭醕酤吐車茵

曉出古巖呈宗偉子文

曉風生小寒嵐潤裊巾屨宿雲埋樹黑  
奔溪轉山怒東

方動光彩晃晃金鉦吐千峰森隱現一氣澹回互平生  
癖幽討邂逅飽新遇那知塵滿甑晨炊午未具不愧忍  
飢面來尋古巖路稻梁亦易謀烟霞乃難痼持此慰龜  
腸搜枯尚能句

積雨蒸潤體中不佳頗思故居之樂戲書呈子文  
門外泥深蘸馬鞍墨雲未放四維寬前山忽接後山暗  
暑雨全如秋雨寒夢裏江湖三歎息醉中天地一憑欄  
斗升留滯休惆悵枳棘從來著鳳鸞

簽廳夜歸用前韻呈子文

簿書堆裏解歸鞍我亦蕭然轡勒寬  
爐篆無風香霧直庭柯有月露光寒  
閒思喜鵲填河鼓靜數流螢繞井欄  
明日又驅官裏去從教白鷺侶紅鸞

聖集誇說少年俊遊用前韻記其語戲之

京塵紅軟撲雕鞍年少王孫酒量寬  
倚袖竹風憐翠薄捧杯花露怯金寒  
黃雲城上栖烏曲綠水橋邊鬪鴨欄  
別後相思惟故物壁煤侵損扇中鸞



次温伯用林公正劉慶充倡和韻

前山後山梅子雨屯雲日夜相吞吐長林絕壑望不到  
時有樵歸說逢虎奔溪朝來忽怒漲夾岸柳梢餘尺許  
屋頭未放濃嵐散苦憶清風汎瓊宇客行落此亂山中  
但欲尋人訴羈旅比鄰邂逅得清士看宇津津佳笑語  
杯行起舞出新句我氣已衰聊復鼓明年與君杭太湖  
扁舟踏浪不踏土沉沉玉柱閔仙扃矯矯虹梁浮水府  
目力無窮天不盡却笑向來誰縛汝

次韻溫伯夜坐今日忽得舍弟到杭消息喜見於

詞

長風吹月來影碎竹間牖良宵坐窘東媿我塵外友平生煙霞興肆兀上南斗頗亦契三三未省計九九迷塗入簿領鄉心幾回首嗟予季行役舟拂漲溪柳凌晨雙鵲鳴翫占得無咎何當從汝去履綦尋蕙畝

再次韻呈宗偉溫伯

官居數椽間局促如瓮牖幸鄰詩酒社金薤對玉友真

清廊廟器偉望配山斗

宗偉自號真清居士

行當侍紫極槐棘位

三九館舍有奇士

伯謂温

高文粲參首倡酬猥及我雙松

壓孤柳生活從冷淡幸免譽與咎相從結此夏何異歸隴畝

次韻温伯納涼

日斜猶畏暑吏退合偷閒霞散紅綃薄溪迴碧玉壺伴人惟羽扇娛客欠風鬟且復哦新句相嘲飯穎山

雨涼二首呈宗偉

誰扶病客起龍鍾  
恩在盆傾一雨中  
問訊九關何路到  
擬牋歡喜謝天公

驚雷隱地送涼颼  
起舞看山不自持  
說與騷人須早計  
片雲催雨雨催詩

明日復雨涼再用韻二首

東山朝日澹冥濛  
一片雲生萬疊中  
宿雨未蘇焦卷盡  
又煩箕井喚雷公

澱瓦排檐散萬絲  
顛狂風篠要扶持  
恩深到骨吾能報

急賦新涼第一詩

次韻慶充避暑水西寺

佳晨出西郭仰視天宇清  
樂哉曠士懷浩浩吞四溟  
新漲忽勇退籬落粘枯萍  
風幡招客遊曠望隔蘋汀  
僕夫屬清深竹與疎亭亭  
波翻石鑿落尚帶蛟龍腥  
華堂入松竹德人占聚星  
脫帽飛羽觴顏放解天刑  
時當行火令草腐亦化螢  
炎官紛陸梁空飛赤雲駟  
遙知隴上耘暴背愁白丁  
茲遊豈易得未用歎沉冥

送滕子昭績溪罷歸

天馬西極來目力盡九寰執轡者誰歟墮此空谷間草  
深石齧足一躍度孱顏長風送逸駕蕩蕩登虎關五雲  
清都上白日開帝閑鈞陳動光彩球琳鏘轡環亦復念  
舊羣依然歎駕頑紅塵起天末可望不可攀

石湖詩集卷五

石湖詩集卷六

宋 范成大 撰

次韻溫伯謀歸

官路馳驅易折肱  
官曹隨處是愁城  
隨風片葉鄉心動  
過雨千峰病眼明  
一壺何須嘗世味  
寸田久已廢吾耕  
羨君早作歸歟計  
屈指從今幾合并

次韻溫伯雨涼感懷



窮士病且飢古今同一流身安腹果然此外吾何求判  
司誠卑官未免塵甑憂窮山更瘴暑憊卧不舉頭二物  
交寇我生世真如浮晨朝墨雲作疾雷破山丘排檐忽  
飛溜蛙蝮鳴相酬朱冠領熱屬橫潰輸一籌新涼蘇肺  
氣踏濕登城樓好邀雲雨仙長袖按梁州吹水添瓶壘  
淨洗千斛愁何從有此段冰廳冷如秋但覺詩思生爽  
氣入銀鈎章成竟何用知能救窮不湯子亦旅食回望  
家還羞倡予敢不和共作商聲謳

次韻子文雨後思歸

斷雲將雨洗松篁昨夜癡龍起  
蟄藏人自無情孤樂事  
天猶有意作新涼尊前不見凌波襪  
樓下空聞拜月香  
萬事安能盡如願且來相伴壓糟牀

次韻溫伯苦蚊

白鳥營營夜苦飢不堪薰燎出窓扉  
小蟲與我同憂患  
口腹驅來敢倦飛

慶充自黃山歸索其道中詩書一絕問之

鳴騶如電馬如雷  
知是婆婆醉尉迴  
常日錦囊猶有句  
況從三十六峰來

曉出古城山

落月墮眇莽殘星澹微茫  
竹輿亂清溪飛蓋入嵐光  
松檜霧靄濕桑麻風露香  
空翠滴塵纓何必濯滄浪  
山家亦早作迨此朝氣涼  
林深無人聲木末炊煙蒼  
離離瓜芋區肅肅棗栗場  
田園古云樂令我思故鄉  
墟市稍來集筠籠轉山忙  
吏事亦挽我歸路盤朝陽

李深之西尉同年談吳興風物再用古城韻

李侯昔遊吳蓮舟鏡蒼茫風鬟與霧鬢共濯玻瓈光采  
花不盈舫日暮雲水香還登縹緲樓羅襟酒淋浪卷箔  
納星月踏筵按伊梁安知有恨事但恐薰葭蒼風吹落  
窮谷草深麋鹿場高岡苦炎熱游子悲異鄉尚喜簡書  
省會期無匆忙猶餘作詩苦消瘦如東陽

七月五日夜雨快晴

豐隆坎坎夜伐鼓靈湫老龍撇波舞塞雲掣電上清空

倒捲天潢作飛雨向來炎官作夏旱萬里彤霞烘玉宇  
豈惟牛馬困蚊虻壠上行人口生土我從雪浪葉舟來  
不謂山城熱如許天公知我愁欲病施與一涼蘓逆旅  
稍聞水繞屋除鳴不覺星從雲罅吐千山濯濯淨鬢髻  
缺月娟娟炯眉嫵浮生此景萬事足但欠清歌對芳醕  
天上秋期正多事趣駕星橋跨銀渚人間四者自難并  
莫妒黃姑迎織女

次韻宗偉溫伯

冉冉流光迫歲餘青林日夜向人踈  
雨滋巖桂重堆粟

新安木犀  
秋暮再花

風折庭蕉又獻書  
逋客解蘭思婉婉先生彈

缺厭清虛一塵不立  
渾輸我即境心安是故廬

宗偉新  
議婚温

伯病起無聊故有  
解蘭彈鉄之語

### 再韻荅子文

浮生飽外莫求餘  
羈旅東來計已踈  
肩聳已高猶索句  
眼明無用且繙書  
百年子莫占元緒  
萬法吾今付子虛  
惟有登臨心未厭  
黃山聞道勝衡廬

道見蓼花

秋風裊裊露華鮮  
去歲如今刺釣船  
歛縣門西見紅蓼  
此身曾在白鷗前

次韻溫伯種蘭

靈均墜荒寒  
采采紉蘭手  
九畹不留客  
高丘一回首  
崢嶸路孔棘  
悽愴肘生柳  
遂令此粲者  
永與窮愁友  
不如湯子遠  
情事只詩酒  
但知愛國香  
此外付烏有  
栽培帶苔蘚  
披拂護塵垢  
孤芳亦有遇  
洒濯居座右  
君看深林

下埋沒隨藜莠

次韻子文

幻塵久已破狐涎身世誰能料鼠肝暮夜雨收千嶂出  
晨朝風卷四維寬我今無事不如夢君豈有心猶覓安  
但促小槽添壓石龍頭珠滴夜珊珊

次韻知郡安撫九日南樓宴集三首

雙旌暮捲小春容畫棟雲生笑語中但覺山光侵酒綠  
不知日脚染溪紅控臨縹緲疑無地指點虛無欲馭風



誰遣玉蟾催騎吹歸來人影在朦朧

珠履參陪北海觴仍邀擁節舊中郎碧城香霧連天暝  
黃葉霜風捲地涼佳節轉頭論聚散清波從古閱興亡  
明年重把茱萸醉公在叢霄貢玉堂

新民鄒魯更豐年雅道淒涼見此賢萬隴登禾新霽色  
千村鳴柝舊寒煙銷金絕世詩情妙倚劔凌空隸墨鮮  
太守新題南樓榜珍重北窓山六六使君名與汝俱傳

晚集南樓

浪隨兒女怨萍蓬  
笑拍闌干萬事空  
宇宙勲名無骨相  
江山得句有神功  
掉頭莫覩秋高鶚  
留眼來賓日暮鴻  
懶拙已成三昧解  
此生還證一圓通

賞雪騎鯨軒子文  
夜歸酒渴侍兒薦  
茗飲蜜漿明日以  
詫同遊戲為書事  
邀宗偉同作

溪山四時佳  
今夕更奇絕  
天公妙莊嚴  
施此一川雪  
飛花浩如海  
眩轉塞空闊  
水西萬珠樹  
玉塔照銀闕  
碧溪不受凍  
長灘瀉清咽  
漁舟晚猶汎  
樵擔寒未歇  
懸知畫

不到未省詩能說歸來強搜句冰硯冷於鐵不知嚴夫

子迎門生煖熱梅香不可耐

梅即侍兒小名

但覺酒腸渴蜜融

花氣動茶泛乳膏發寧辭春笋寒為暖花甌滑曹騰畫  
屏暖喚起眼餘纈笑我獨何事作此淡生活想像高唐  
賦何如徑排闥

從聖集乞黃巖魚鮓

截玉凝膏膩白點酥粘粟輕紅千里來從何處想看舫

浪帆風

從宗偉乞冬筍山藥

竹塢撥沙犀頂銳藥畦粘土玉肌豐裹茅束溫能分似  
政及萊蕪甑釜空

雪後守之家梅未開呈宗偉

瓦溝凍殘雪檐溜粘輕冰破寒一竿日春隨人意生瑞  
葉再三白南枝尚含情定知司花女未肯嫁娉婷官居  
苦無賴一笑如河清落木露荒山寒溪繞孤城朝暮何  
所見雲黃叫飢鷹東風不早計愁眼何當明北鄰小橫

斜蘚地可班荆憑君趣花信把酒撼瓊英

次韻溫伯城上

閉戶成癡坐扶藜得意行樓臺浮霽色市井碎春聲雪  
盡小橋出煙消千嶂生病多無脚力遥羨落鴻輕

知郡安撫以立春日揭所書新安郡榜南樓之上  
曉雪紛集邦人以為善祥遂開宴以落之輒賦長  
句一篇以附風謠之末

碧瓦朱甍上牛斗妙墨新題森鎖鈕使君筆力挽春來

一夜飛花暗梅柳南山與樓相對高向來千載爭雄豪  
八分三字一彈壓衆峰戢戢如兒曹人間盛事天不隔  
急催此雪成三白未論千古福邦人先卜明年滿岡麥  
東風酒面吹凝酥不辭醉倒歸相扶短歌萬一傳樂府  
湛輩亦與公名俱

次韻知郡安撫元夕賞倅廳紅梅三首

春入林梢一再風破寒勻染費天工雖然媚蕩新粧別  
只與橫斜舊格同午枕乍醒鉛粉退曉奩初罷蠟脂融

後來顏色休論似夾路漫山取次紅

真色生香絕世逢煙光池面兩溶溶楚鄰不待施朱好  
號國翻嫌傅粉濃晴日暖雲春照耀溫風霽月夜春容  
酒闌且駐紗籠看慢破團團一壁龍

司花一笑為誰開知道朱幡得得來踈影有情當洞戶  
薦香無語墮空杯風生翰墨留連看月入笙歌次第催  
來歲如今翻舊唱五雲叢裏望三台

新安絕少紅梅惟倅廳特盛通判朝議召幕僚賞

之坐皆有詩亦賦古風一首

華燈收盡江梅落別有橫林照林薄天教闋苑染芳根  
小住山城慰蕭索騰騰醉後酒紅暎淡淡粧成笑靨新  
斟酌東君已傾倒為渠都費十分春別乘胸懷有風月  
催喚清尊洗愁絕花知主客得不凡一夜光風融絳雪  
樓頭煙暝吹單于花梢挂星光有無歸來境熟落春夢  
夢入鎖香紅綺疏

胡宗偉罷官改秩舉將不及格往謁金陵丹陽諸



使者遂朝行在頗有倦游之歎作詩送之

凍雲埋山天冥濛北風無情雪塞空道傍人稀鳥飛絕

問君東遊何怱怱君言薄官淡無味免俗未能聊復爾

我評茲事一鴻毛因行且看佳山水陵陽樓閣壓高城

煙屏百疊雙流橫宣城疊嶂樓雙溪閣姑孰江亭更奇絕濃黛兩

抹長眉青當塗城看亭望東西梁山如雙眉山形成龍復成虎六代遺

蹤供弔古謂金陵鐘山石頭大荒莽蒼江水黃兩涘風煙眇吳

楚賞心亭兩花臺所見却浮一葦下長川浮玉低昂波聒天長蘆真州

寺浮玉丹陽金山也

梁溪南岸小停櫓一酌人間第二泉

無錫惠山陸子

泉

閶門峨峨過吾國

姑蘇僕故里閶門北門也

姑蘓臨波照金碧太

湖三萬六千頃上有垂虹跨南極

吳江長橋三高亭鶴夷子在焉

我家

越相尚神遊試從煙浪訪扁舟問訊白鷗相記否謂言

久客不勝愁軟紅三尺長安道九重城闕乾坤繞西湖

山寺浙江樓君昔曾遊今更好故人客館中天開非君

誰上黃金臺挽着天衢五雲上却望江湖如夢迴萬境

何如一丘壑幾時定解冠裳縛幔亭山下桂叢深清社

向來都寂寞

幔亭清社皆宗  
偉舊隱故事

黃伯益官舍賞梅

一杯何處洗愁顏  
黃法曹家玉樹寒  
翠袖撚香留客看  
春風都在小闌干

次韻朱巖州從李徽州乞牡丹三首

佳人絕世墮空谷  
破恨解顏春亦來  
莫對溪山話京洛  
碧雲西北漲黃埃

歛浦煙山蟠萬疊  
釣臺雲日擁千章  
兩侯好事洗寒玉

寶檻移春入燕香

閨風苑裏司花女肯作山腰水尾來十二玉欄天一笑

只今歸路五雲間

時傳使君  
有召命

送琴客許揚歸永嘉

烏帽休衝九陌埃瘦藤定約到秋迴龍湫鴈蕩經行處  
斷取松風萬壑來

送李徽州赴湖北漕

徂徠千丈松閱世聳絕壁高標上霄漢峻節貫金石惟

有孤生竹亭亭附微植月夜借清景春朝分秀色託根  
未渠央萬牛挽山澤昂藏轉江湖夷路入王國明堂五  
雲上一柱屹天極可望不可攀清都與塵隔依然此清  
士空山淡愁聞悲吟發清籟搖蕩風雨夕

送通守林彥強寺丞還朝

鴈蕩之山天下無奔岸絕壑不可圖地靈境秀有人物  
新安府丞今第一紛綸草木變暄寒竹節松心故凜然  
窮山薄宦我無恨識公大勝荊州韓梅風漲溪綠如酒

曉插檣烏上南斗只今廣廈論唐虞斟酌正須醫國手  
秀眉津津雙頰丹想看鳴佩翔九闕諸公倘欲持公議  
莫遣此賢思故山

送溫伯歸福唐納婦且約復游雲川

攬秀堂前一笑傾都忘身世兩浮萍扶藜處處從君賞  
落筆時時得我驚荔熟閩山勞夢想蘋香茗水約逢迎  
祇愁誤入桃源後從此車輪四角生

次韻宗偉閱番樂

十日閒愁晝掩闕起尋一笑共清歡罷休詩社工夫淡  
洗淨書生氣味酸盡遣餘錢付桑落莫隨短夢到槐安  
繡鞵畫鼓留花住賸舞春風小契丹

題漫齋壁

漢陰無械可容機歲晚功名一衲衣槁木閒身隨念懶  
浮雲幻事轉頭非三彭已罷庚申守五鬼從教乙丑歸  
富貴神仙兩俱累此心安處是真依

四月十六日拄笏亭偶題

轉午聞雞日正長  
小亭方丈納空光  
綠陰一雨濃如黛  
何處風來百種香

次韻即席

留連銀燭照金荷  
腸斷華年一擲梭  
月姊有情難獨夜  
天孫無賴早斜河  
晶晶霜瓦寒生粟  
袞袞風幃細湧波  
鵲鷓曉啼鳴鵲散  
許多佳景奈愁何

五月聞鶯二首

桑陰淨盡麥頭齊  
江上聞鶯每歲遲  
不及曉風鴨鴉子



迎春啼到送春時

一聲初上最高枝  
忙殺嘔啞百舌兒  
老盡西園千樹綠  
却憐槐眼正迷離

知郡檢計齋醮禱雨登時感通輒賦古風以附輿  
頌

六月火雲高偃蹇使君有意憐焦卷一封紅篆驛金龍  
雨氣倏隨爐燎滿風師避路雷車鳴石破天驚檐溜傾  
不知稻本頗甦否但覺溪聲如百霆稅駕朱旛未云久

造化功成屈伸肘我評茲事與天通知公小試調元手  
清壇深夜賓衆真前驅霓旌後颺輪定有靈官識仙伯  
報道紫皇思侍臣

石湖詩集卷六

石湖詩集卷七

宋 范成大 撰

送子文雜言

陰谷雲低梅雨多  
黃山滌源溪湧波  
南風匝地送歸客  
雙槳下瀨如投梭  
嚴夫子君舉酒我其為  
君歌萬山叢  
叢石鑿鑿官居破  
屋巢煙蘿  
杜鵑曉啼猿暮叫  
客行到此真蹉跎  
窮愁無復理一飯  
三歎息  
城東黌舍有佳人

邂逅使我加餐食同鄉更同調目擊心已傳螻蟲欲作  
雷奮地萬籟方寂風行山吹竽喚我醒連鼓相追攀颺  
車電轂不可輦但覺兩腋生飛翰狂歌不必終曲戲奕  
不必滿局有時不揖上馬去出門大笑驚僮僕窮鄉眼  
冷見未曾道上囁嚅相指目云此陜隘何以有二士直  
恐翩翩跨黃鵠廣文組解登王畿諸公貴人爭勸歸常  
日心期有定論贈行不惜重費詞腰金佩璐衆目好汗  
簡沉碑千載癡一尊有意重山嶽五鼎無心輕網絲嚴

夫子應領略別後頻書相發藥我既為萬頃之狎鷗君  
勿作九皋之鳴鶴

新館

露稻粘明璫風茅袞高浪荒煙暗白道行行亂蛩響日  
脚午未吐雲頭晚猶漲欣此半日涼籃輿走清曠病客  
不堪暑茲行天肯相蚊蟲掃無跡秋意滿千嶂稍尋泉  
石盟略褫簿書障鷓原定相念因風報無恙

臨溪寺

萬山繞岭嶺二水奔瀕洞亭亭林中寺金碧燦櫺棟解  
鞍得蒲團卧受瓦爐供少捐一炊頃暫作百年夢無人  
自驚覺幽禽正清唳倦客如殘僧無力供世用此行端  
為山紫翠迭迎送漱井出門去驚塵撲飛鞚

盤龍驛

聞雞一唱罷占斗三星没天高月徘徊野曠山突兀暗  
蛩泣草露怨亂語還咽涼螢不復舉點綴稻花末惟餘  
絡緯豪悲壯殷林越小蟲亦何情孤客心斷絕魂驚板

橋穿足側石子滑行路如許難誰能不華髮高城謾回首  
首疊嶂屹天闕遙知秋衾夢千里一飄忽

竹下

松杉晨氣清桑柘暑陰薄稻穗黃欲卧槿花紅未落秋  
鶯尚嬌姹晚蝶成飄泊犬駭逐車馬雞驚撲籬落道逢  
行商問平生幾芒屨頰肩走四方為口不計脚劣能濡  
簞瓢何敢議囊橐我亦縻斗升三年去丘壑二俱亡羊  
耳未用苦商略



寒亭

溝塍與澗合隴畝抱山轉向來六月旱此地免焦卷早  
穗已垂垂晚苗猶剪剪一川豐年意比屋鬧雞犬老農  
霜須鬢矍鑠黃犢健自云足踏地常賦何能免刈熟倩  
人輸不識長官面康年無復事但恐社酒淺我亦有二  
頃收拾尚可爾懷哉笠澤路歸鋤犁頭鮮

清逸江

微生本漁樵長日渺江海扣舷濯滄浪尚說天宇隘揭

來車馬路悒悒佳思敗黃塵撲眉鬚驅逐似償債羸駝  
繫偏仄狂犬吠荒怪鄉心入旅夢一葉舞澎湃晨興過  
墟市喜有魚鰕賣眼明見清江積雨助橫潰褰裳喚扁  
舟艤碇不勝載不辭野渡險弄水聊一快

隱靜山

杯渡師道場

五峰抱巖扉千柱奠雲壑荒原最爾縣有此寶樓閣維  
昔經營初衣錫化雙鶴杖頭具隻眼矯矯雲中落尊者  
一笑許璇題照林薄庭柏有祖意石泉韻天樂清黃薄

碧雞飛梭擲蒼鵲號風飢虎怒失木啼猿愕英遊偶然  
同吏檄乃不惡題名記吾曾醉墨疥丹堊

新嶺

瘦馬兀魯騰荒雞號莽蒼絲窠罨朝露籬落萬珠網宿  
雲拂樹過飛泉擘山響老桑跼潛蚪怪蔓掛騰蟒山行  
何許深空翠滴羈鞅釀愁積雨寒破悶朝日放瞳瞳赤  
幟張昱昱金鉦上浮動草花馥清和野禽唱僕夫有好  
語沙平路如掌惟憂三溪阻橋斷山水漲

送通守趙積中朝議請祠歸天台

城頭千峰青繞屋城下灘流三百曲誰云偪仄復偪仄  
尚有高軒肯來辱紅梅花下兩芳春春風惠和如主人  
捨攘塵土簿書裏見此縑籍天球溫厚祿故人車結轍  
掉頭獨泛清溪月不從世外得超然世間誰肯如公決  
生平我亦一沙鷗葦白蘆黃今正秋送公使我歸思動  
破煙衝雨憶扁舟明年想見東山起我亦煎茶石橋水  
道逢蓑笠把漁竿即是馬曹狂掾史

送詹道子教授奉祠養親

新安學宮天下稀先生孝友真吾師斑衣悞作長裾曳  
二年思歸今得歸牋詞上訴人叵挽璽書賜可羣公歎  
青山百匝不留人空與諸生遮望眼白雲孤起越南天  
向來恨身無羽翰下馬入門懷橘拜身今却在白雲邊  
鶴髮鬢鬢堂上坐兒孫稱觴婦供果世間此樂幾人同  
看我風前孤淚墮一杯送舟下水西我欲贈言無好詞  
徑須喚起東廣微為君重補南陔詩

道子教授奉祠諸生率余祖席如意院

暫移三席欵雲闕木末闌干暮紫間絳帳莫貪江上路  
青鞵先試水西山伯陽有道來重趼禦寇他年憶解顏  
怪我抗塵驅俗駕諸公何事許追攀

淳安

以後十五首  
泐嚴杭道中

篙師叫怒破濤瀧水石如鐘自擊撞欲識人間竒險處  
但從歛浦過桐江

嚴州

舟人云自嚴  
至嚴二百灘

城府黃塵撲馬鞍一篙重探水雲寒  
耳邊眼底無公事  
睡過嚴州二百灘

釣臺

臺上題詩甚多其最膾炙者曰世祖功臣二十八雲臺爭似釣臺高

山林朝市兩塵埃邂逅人生有往來  
各向此心安處住  
釣臺無意壓雲臺

桐廬

濕雲垂野淡疎林十日山行九日陰  
梅子弄黃應要雨  
不知客路已泥深

富陽

不到江湖恰五年  
歛山青繞屋頭邊  
富春渡口明人眼  
落日孤舟浪拍天

餘杭

春晚山花各靜芳  
從教紅紫送韶光  
忍冬清馥薔薇醜  
薰滿千村萬落香

於潛

俚語云於潛昌  
化鬼見亦怕

邑居官寺兩淒清  
晚市都無菜可羹  
何處直能令鬼怕



祇今猶自有人行

昌化

雙溪館  
絕景也

翠染南山擁縣門  
一洲橫截兩溪分  
長官日永無公事  
卧聽灘聲看白雲

百丈山

壽聖寺僧房甚雅潔  
去王千嶺尚六十里

沐雨梳風有底忙  
解鞍來宿贊公房  
傳聞三嶺連天峻  
未到王千已斷腸

昱嶺

竹輿搖兀走婆娑石滑泥融側足過  
昱嶺不高人已困  
晚登新嶺奈君何

王千嶺

山靈設險合崢嶸行客何須向此行  
羸馬不前人雨汗  
此身安得諱勞生

刈麥

麥熟連雨妨刈老農云得便  
情即大獲不爾當減分數

麥頭熟穎已如珠小阨惟憂積雨餘  
勻我一晴天易耳  
十分終惠莫乘除

插秧

種密移疎綠毯平行間清淺穀紋生誰知細細青青草  
中有豐年擊壤聲

曬繭

俗傳葉貴即蠶  
熟今歲正爾

隔離處處雪成窩牢閉柴荆斷客過葉貴蠶飢危欲死  
尚能包裹一絲窠

科桑

斧斤留得萬枯株獨速槎牙立暝途飽盡春蠶收罷繭

更殫餘力付樵蘇

龍學尚書新安侯羅公挽詞二首

汝楫

今代丹臺籍頻年綠野居  
鐵冠真御史革履舊尚書  
短世浮雲盡平生半稿餘  
人言公不朽蘭玉照前除  
一昨更調瑟如聞欲賜環  
途殫泣西狩望絕起東山  
華屋林霏慘新阡草露斑  
春風埋玉淚重為庾公潛

龍學侍郎清河侯張公輓詞二首

白水名多士清河最有聲  
人危孔北海帝識柳宜城  
蜀

險談間固蠻訶檄到平凌煙何處在風雨上銘旌  
太息逢萋錦平生付薄冰滄溟淙赤舌白日照青蠅  
麓身猶健星維馭已升天如遺一老人亦望三登

新安侯夫人俞氏輓詞

蚤兆于風卜來嬪駟馬車夫君宜竹帛子舍各詩書  
露薤丹旌舉風楊組帳虛空餘彤管訓他日照鄉閭

次韻甄雲卿晚登浮丘亭

賓筵舊歷三千客燕榭新高十二城潑墨雲頭連樹暗

垂絲雨脚過溪生  
葛巾羽扇吾身健  
雪椀冰甌子句清  
從此相從須痛飲  
故應此事勝公榮

古風上知府祕書二首

神仙絕世立功行  
聞清都玉符賜長生  
籟雲遊紫虛雞犬爾  
何知偶舐藥鼎餘  
身輕亦仙去  
罡風與之俱俯視  
舊籬落眇莽如積蘇  
非無鳳與麟  
終然侶蟲魚  
微物豈有命  
政爾謝泥塗  
時哉適丁是  
邂逅真良圖

大鵬上扶搖  
南溟聒天沸  
斥鷃有羽翼  
意滿蓬蒿裏  
不

如附驥尾掣電抹荆薊誰云極么麼俛仰且萬里向來  
庭戶間決起不踰咫飄飄托方便意氣乃如此物生未  
可料旦暮倘逢世君看功名場得失一交臂

拄笏亭晚望

林泉隨處有清涼山繞闌干客自忙溪雨不飛虹尚飲  
亂蟬高柳滿斜陽

乳灘

巖巖之間灘如竹節  
乳灘之險居第一

清溪可怖亦可喜造化於人真虐戲轟雷捲雪鬢成絲

一擲平生來此試險絕無雙是乳灘舟如滾石下高山  
畫樓正倚黃昏雨豈識江間行路難

浮丘亭

知郡祕書新作以望黃山有浮丘容成峰浮丘公容成子之所遊也

黟山鬱律神仙宅三十六峰雷雨隔碧城欄檻偃雙旌  
笑挹浮丘為坐客巖扉無鎖畫長開紫雲明滅多樓臺  
雲中仙馭參差是肯為使君乘興來西崑巉絕不可至  
東望蓬萊愁弱水誰知芳草徧天涯玉京只在珠簾底  
他年麟閣上清空却訪舊遊尋赤松我亦從公負丹鼎



來斲砂牀汲湯井

朱砂峰溫泉皆在  
黃山黟山即黃山

風月堂

章倅新作洪  
守名而記之

天風無邊吹海月景入溪山更奇絕  
太守文章別乘賢  
平生付與金杯滑  
門闌我亦似彭宣  
想聞橫玉叫蒼煙  
讀碑索句仍投轄  
誰是揚州控鶴仙

寄贈泉石使李元直入覲

漢圖昔中天百六啓真主  
當時鄧高密徒步赴光武  
諸公上雲臺一葉渺湘浦  
聲名三十年玉氣貫晴宇  
向來

宣室問天語道舊故不圖太平日復見起兵簿雙旌奠  
侯服三節臨江許垂欲大用公少駐議園府人言山澤  
官底用廟廊具果聞一乘傳已踵追鋒去翔鳳覽輝來  
風采照鴛鴦平生經濟心十不一二吐茲行公勿遜安  
國如鼎呂

休寧

南街豪郡城東圃壓州宅誰云沸鑊地氣象不偏仄林  
園富瓜筍堂密美杉柏山醪極可人溪女能醉客吳子

邑中彥毫端萬人敵傳杯相勞苦不覺東方白

吳益恭  
豪士也

初門

石梁平波心金刹駕巖腹溪藤卷霜繒山骨琢紫玉東  
堂有嘉名窈窕窻紗綠落花埽無迹蕉葉森似東主人  
甚愛客挽袖語陸續衝雨出門去役役媿童僕

靈山口

陵高類登天斗下劇窺井衡從十里近底用許多嶺秋  
雨釀春泥掀淖力扛鼎僕夫負隅哭邂逅憂性命舊嗤

子猷狂夜半槳歸艇方知興盡處頃步令人癭

浮梁

大灘石如林小灘石如斨微生拋擲過兩槳若將割一灘復一灘食頃經七八崎嶇幸脫免已足凋鬢髮我家五湖船鏡面貼天闊行迷勿浪遠歸歟泛花月

番陽湖

淒悲鴻鴈來泱泱魚龍蟄雷霆一鼓罷星斗萬里濕波翻漁火碎月落村舂急折葦已紛披衰楊尚僵立長年

金匱山房詩集 卷七  
畏簡書今夕念簑笠江湖有佳思逆旅百憂集

回黃坦

渥丹楓凋零濃黛柏幽獨畦稻晚已黃陂草秋重綠平  
遠一橫看浩蕩供醉日落帆金碧溪嘶馬錦繡谷世界  
真莊嚴造物極不俗向非來遠遊那有此奇矚

桑嶺

回腸山百盤揮手天一握俯驚危棧穿仰詫飛石落挽  
輿如挽舟絕叫斷雙筇怪蔓纏枯槎瘠草被幽壑此豈

車馬路誰云強刊鑿人言遠遊好呼來試着脚

天都峰

黃山

維帝有下都作鎮此南國孤撐紫玉樓橫絕太霄碧晶  
焚砂竇紅天矯泉紳白晴雲無盡藏竟日裊幽石諸峰  
三十五離立侍傍側會稽眇小哉請議職方籍

溫泉

黃山朱  
砂峰下

砂牀毓靈源石液漱和氣鬱攸甌常蒸感沸鼎百沸人  
生本無垢安用滌腸胃一瓢灑清肥回首謝羅爵山深

人跡罕政以遠為貴君看華清池談者至今諱

石湖詩集卷七

石湖詩集卷八

宋 范成大 撰

伏聞知府祕書欲取小杜桐廬詩語以見花名堂  
成大記東坡送鄭戶曹詩云蕩蕩清河壩黃樓我  
所開遲君為坐客新詩出瓊瑰樓成君已去人事  
固多乖此段大類今日成大行且受代計梅開堂  
成歸舟已下南浦欲為坐客不可得懷不能已請



先為公賦之

使君來煖東堂席又見堂前花信息小白猶封竹外枝  
微黃已點眉間色山城十月如春臺聞有細書天上來  
說與橫斜應早計不須更待雪花催

知府祕書遣帳下持新詩追路贈行輒次韻寄上  
冷雲去仍來凍雨落還歇平明一篙漲珍重送船發端  
成南溪泛寧復東堂謁何時公三日請澤看山笏恩勤  
一未報終古銘肌骨幡幡跡雖遠耿耿心不沒門闌如

水波永印此孤月

寄上鄱句之明日舟次梅口南枝已有春意復次  
知府祕書贈行高韻

晏溫解船去暮夜檣船歇橫斜隘梅村玉蓓繁將發城  
中三輔豪指日承明謁高懷妙康濟未試君前笏周南  
又小春微溫入花骨我瞻浮丘亭山高璿柄沒飛鳥正  
飄蕩空繞南枝月

晞真閣留別方道士賓實

東山西山雙袖舞中有清宮蟠萬礎雲橫朱閣碧梧寒  
風掃石壇蒼檜古道入賓賓其姓方來從何許今幾霜  
誅蒿仆蓬殿突兀玉華紫氣騰真香胸竒腹憤無人識  
我獨相從似疇昔時時苦語見鍼砭邂逅天涯得三益  
明朝歸客上歸艎重到晞真許渺茫只有雙魚相問訊  
歛江之水通吳江

程助教遠餞求詩

殘山剩水帶離亭送客煩君遠作程直欲明年擊吳榜

白沙翠竹是柴荆

次伯安推官贈別韻

交情彌歲竟忽忽短棹歸尋一畝宮  
塞責文書容我懶及時盃酒賴君同  
披雲峰頂城頭月攬秀堂前扇裏風  
千里音書慰離索莫言天遠費鱗鴻

次景琳錄事贈別韻

放船鳴櫓便秦吳送別空煩長者車  
宿霧鎖山常幕幕斷雲將雨忽疎疎  
高城五嶺花深處短棹三江木落初

賴得溪流通尺素蒲根仍有一雙魚

次黃必先主簿同年贈別韻二首

當年仗外揖高標繡鞵蘆鞭寶馬騎瓊苑天香飄合坐  
碧城山色照同僚思歸意決吾張翰贈別情深子繞朝  
解斷魚梁從此去他年書札墮煙霄

山郭官閒得爛遊彌年還往話綢繆西園剝栗催奴課

東院尋梅勸客留

皆簿廳故事

筆下修鋒千首富談間和氣

兩眉浮別來悵望何時見謾上重城謾上樓

次胡經仲知丞贈別韻

先生有道抗浮雲，拄頰看山意最真。  
霜鬢不堪瘖首疾，翠蛾常作捧心顰。  
官如斯立藍田小，家似淵明栗里貧。  
俯仰別來莫英換，祇今誰與話情親。

經仲與侍兒皆多病，又不樂贊邑賦。

歸去  
來詞

次諸葛伯山贍軍贈別韻

歛維羣山困，漫仕富英傑。  
清標照人寒，玉筍森積雪。  
嗟余獨委瑣，無用等木屑。  
又如道傍李，味苦不堪折。  
歸舟

坐成泛去馬亦已刷三年風波險盡付一笑閱惟君同  
懷抱各坐天機拙我家鴟夷子竹帛照吳越雲仍無肖  
似頰首媿前哲若家卧龍公事業管蕭埒期君踵祖武  
勿惜兒女別言狂舉白浮醉倒霜松折

次韻樂先生除夜三絕

團蒲曲几坐成癡北看南觀恍是非道眼已空詩眼在  
梅花欲動雪花稀

天邊客裏五迎冬爭信還鄉似寓公人事都非城郭是

獨憐雞犬識新豐

牀頭歷日鬢絲絲  
懶倦慵吟守歲詩  
宜入新年須吉利  
明朝把筆寫門楣

次韻唐幼度客中  
幼度相別數年復會於錢塘湖  
上

西湖冰泮綠生鱗  
料峭東風欲中人  
花片不禁寒食雨  
鬢絲猶那湧金春  
江山契闊詩情在  
京洛追隨客夢新  
喚取歌聲不愁思  
為君吹水引盃頻



客中呈幼度

手板頭銜意已慵  
墨池書枕興無窮  
釀泥深巷五更雨  
吹酒小樓三面風  
草色有無春最好  
客心去住水長東  
今朝合有家書到  
昨夜燈花綴玉蟲

奠唐少梁晉仲兄弟墓下

當年連壁氣如蜺  
人許躋攀九列齊  
黃壤一時埋玉樹  
青雲何處用丹梯  
生平書札頻雙鯉  
歲晚交情但隻雞  
眼底傷心難制淚  
寧論宿草已萋萋

鎮東行送湯丞相帥紹興

吳波鱗鱗越山紫鎮東旌旆東風裏前驅傳道相君來  
一夜鑑湖春漲起鑑湖如鑑涵空明相君出處如湖清  
十年勲業泰山重五鼎富貴浮雲輕人言公如裴相國  
綠野堂高貯風月我獨願公如子牟身在江湖心魏闕  
浯溪有石高嵯峨公方東征如此何丁寧湖水莫斷渡  
早晚歸來絕江去

水月菴謁現老不值

有客叩巖扃無人管送迎片雲間出岫水月自空明

次韻邊公辨

錯落參旗冑竹梢柴荆臨水閉蓬蒿清風吹曉玉蟾墮  
穠露洗空銀漢高雙鵲繞枝應也倦一蛩吟壁已能豪  
新秋只合添詩興莫學潘郎歎二毛

中秋無月復次韻

屋山從捲杜陵茅門徑慵芟仲蔚蒿澹澹白虹風暈壯  
紛紛蒼狗雨雲高凌空累筋仙無術半夜撞鐘句謾豪

朽腹題詩將底用真成兔角與龜毛

公辨用前韻見贈復次韻

先生筆力玉山鼇氣壓明堂一柱萬雪椀滌毫詞絕妙  
朱絃縮瑟調彌高心兵不起無三桀坐客常多似四豪  
喜有過從南北巷蘇蘭薪桂淪溪毛

公辨再贈復次韻

書生活計極蕭騷燭火微明似束蒿犬子地寒徒壁立  
元龍身懶謾樓高筆端未辨誇三絕酒裏猶能掃二豪

金安四庫全書  
卷八  
又向詩壇靳借一強磨鉛鈍齒吹毛

送施元光赴江西幕府

鎮南旌旆照江臯入幕如今客最高月暗秋城稀擊柝  
雲飛朝棟賸揮毫長亭酒盡歌三疊半夜溪深雨一篙  
莫戀陽關更西路九關歸路踏金鼇

次韻林子章阻淺留滯

客行端似未歸雲指點璿杓幾易辰喜有風花黃作暈  
似聞溪漲綠生鱗我從走俗言無味君已鳴文筆有神

繡段炳然空辱贈  
急繙緹襲埽蛛塵

次韻馬少伊木犀

月窟飛來露已涼  
斷無塵格惹蜂黃  
纖纖綠裏排金粟  
何處能容九里香

水尾山腰樹影蒼  
一天風露不供香  
誰家鏡裏能消得  
付與詩人古錦囊

密密嬌黃侍翠輿  
避風遮日小扶疎  
畫闌想見懸秋晚  
無限宮香總不如

林夫人挽詞

黃中之  
妹知書

翰墨門關正巋然故應婉婉亦儒先與聞古學三千禮  
能誦家書四百篇卜協媯姜占永世夢呼辰已識週年  
班姬合有遺文在後日從容訪孟堅

李仲鎮懶窩

求名當着鞭訪道亦重趼二邊俱不住三昧不如懶向  
來南嶽師自謂極蕭散收涕且無緒客至那可欸爭如  
懶窩高門外轍常滿殊不妨嘯歌秉燭苦夜短天寒雪

欲花屋角黃雲晚徑須煩二妙對洗玻璃盞

次韻陳季陵寺丞求歛石眉子硯

金星熒熒眉子綠婺源琢石如琢玉寶玩何曾掇枵腹  
但愛文君遠山感文人筆陣森五兵書品入妙仍詩名  
我有陂陀天海樣與公文字俱金聲臬盧一擲不須呼  
況敢定價論車渠只煩將到粧臺下試比何如京兆畫

次韻季陵貢院新晴

鎖闌令嚴深復深五星簾幕晴若陰澹雲微月謾清夜



短檠政自關人心者燈作暈生睡色江南行處夢不隔  
覺來快讀新晴篇恍然真我鶯花前徑欲觴公後堂酒  
倘煩春衫小垂手

次韻周子充正字館中緋碧兩桃花

碧城香霧赤城霞染出劉郎未見花憑仗天風扶絳節  
為招萼綠過羊家

明日子充折贈次韻謝之

海上三山冠綵霞六時高會兩天花步虛聲裏隨風下

吹落尋常百姓家

明日大雨後折贈再次韻

一天雲葉翳朝霞  
風卷泥沾不惜花  
羣玉山高春好在  
人間煙雨暗千家

張恭甫正字折贈館中碧桃因次子充韻

次年

滿枝晴雪照青霞  
舊識桃源暈碧花  
俯仰京塵隔年夢  
東風猶認故人家

雨中報謁呈劉韶美侍郎

金史四庫全書  
卷八  
花落滿城雨雨餘雲重陰驅車有底急巷泥三尺深平  
生黃篋舫漁榔有清音斗升得苦相懷刺衝愁霖歸來  
掩關卧一枕直兼金作詩詫比鄰幸勿譏褊心

雨中集水月庵

獻之今年不堪暑天亦相憐病良苦明便中秋法合涼  
夜半行雲曉行雨蘄州竹簟清如水飢蚊倔强猶鳴聲  
下牀蚤喜衣裳健出門更覺山川明曳屐扶藜尋水月  
不惜垂垂巾角折竹間松下已淒然却要芳樽生煖熱

送洪景盧內翰使金二首

金章玉色照離亭，戰伐和親決此行。  
國有威靈雙節重，家傳忠義一身輕。  
平生海內文場伯，今日胸中武庫兵。

萬里往來公有相，淮濱陰德貫神明。

近日兩淮戰地掩骼公之請也

檄到中原殺氣銷，穹廬那敢說天驕。  
今年蕃始來和漢，即日燕當遠徙遼。  
北土未乾遺老淚，西陵應望孝孫朝。  
著鞭往矣功名會，麟閣丹青上九霄。

次韻嚴子文旅中見贈

杯中疇昔共江天，傾座新詩報警聯。  
海浦寸心空共月，京華雙鬢各週年。  
交情敢說同方友，句法甘從弟子員。  
有意數從文字飲，何須爭着祖生鞭。

次韻于文客舍小樓

客裏仍攜一束書，閉門虹氣自凌虛。  
未聞光範延珠履，誰向甘泉從玉車。  
散盡生涯千荅布，收將文價百車渠。  
淹留且結西湖夏，同到秋風賦遂初。

次韻劉韶美大風雨壞門屋

雲煙揮翰墨池翻縑縹如山畫掩闕已許六丁收散落  
只愁雷電費牆藩

洪景盧內翰使還入境以詩迓之

玉帛干戈洵並馳孤臣叱馭觸危機闕山無極申舟去  
天地有情蘇武歸漢月凌秋隨使節胡塵捲暑避征衣  
國人渴望公顏色為報塞帷入帝畿

寄題向撫州采菊亭

一葉起秋色衆綠凋歲華耿耿霜露側餘此黃金葩西

風滿天地孤芳照塵沙殷勤開小築花氣日夕嘉落英  
楚纍手東籬陶令家兩窮偶寓意豈必真愛花不如亭  
中人一笑了天涯采采勿虛度門前欲高牙

古風二首上湯丞相

抱瑟游孔門豈識宮與商古曲一再行乃雜巴人倡知  
音顧之笑解絃為更張歸來掩關卧冰炭交愁腸平生  
桑濮手未省歌虞唐明發理朱絲復登君子堂遺音入  
三歎山高水湯湯

空山學仙子窮年卧巖扃煮石不得飽秋鬢蒼已星道  
逢紫霄翁示我餐霞經采采晨之華滌濯腐與腥向來  
役薪水終然槁柴荆跪謝起再拜飄颻蛻蟬輕飛升那  
敢學倘許學長生

冷泉亭放水

古苔危磴著枯藜脚底翻濤洶欲飛九陌倦遊那有此  
從教驚雪濺塵衣

九月十日南山見梅



五斗留連首屢迴來尋南澗濯塵埃  
春風直恐淵明去借與橫斜對菊開

送汪聖錫侍郎帥福唐

承明纔入又南州重見旌旗照柁樓  
道義平生無捷徑風波隨處有虛舟  
如公未可違文石稽古何妨欠碧油  
我亦登門煩著錄此行無力為王留

送王純白郎中赴閩漕

聲利場中百戰塵今誰勇退似公豪  
緩尋南粵千山路

先破西興百尺濤平日曼容嫌祿厚他年文本難官高  
才名政爾歸安往富貴追蹤未可逃

純白先君平生約  
官至正郎而休卒

踐言故純白為兵部  
便丐去以承其志

### 長至日與同舍遊北山

歲晚山同色湖平霧不收寒雲低閣雪佳節靜供愁竹  
柏森嚴立蒲荷索莫休瘦筇知脚力政爾耐清遊

石湖詩集卷八

謹案卷五第十頁前五行用前韻記其語刊本脫  
前字今增

卷六第六頁前八行樵擔寒未歇刊本擔訛擔據  
宋詩改


第六頁後二行但覺酒腸渴刊本渴訛竭據宋詩  
改

卷七第一頁後三行飈車電轂不可輦刊本輦訛  
輦據宋詩改

卷八第十頁後四行雨中集水月庵刊本脫庵字

據本卷六頁增





總校官庶吉士臣侍朝

校對官編修臣莫瞻菴

校對官編修臣閔懋大

謄錄監生臣和其聲

謄錄監生臣宋維翰

欽定四庫全書薈要

集部

石湖詩集卷九至十二

詳校官助教臣謝登萬



石湖詩集卷九

宋 范成大 撰

次韻尹少稷察院九宮壇齋宿

草草馳三里蕭蕭共一餐  
吏方繇禮絕公自將詩壇隙  
月窺牀近窓風刮坐寒  
鴉鳴未忍散端為四并難

冬祠太乙六言四首

三一舊傳神呪十神今濟時艱願挽靈旗北指為君直



擣陰山

月色朧明碧瓦蠟煙浮動黃簾罨騎颺輪欲下一天飛  
霰纖纖

雲木栖烏未動風庭警鶴先鳴殘夜百靈夙駕人間鼻  
息雷驚

行道羽衣縹緲捲班玉珮冬朧回首金鋪獸面步虛聲  
在天風

次韻李子永雪中長句

黃昏苦寒烏鳥稀吹沙走石交橫飛布衾如鐵復似水  
夢想東風來解圍豈知天地有奇事夜半窓紙生光輝  
兜羅寶界佛所現冥凌不敢專璿璣開門倚杖眩一色  
迴立此世空無依少年行樂悅尚記瑤林珠樹中成蹊  
大驕鷹俊馬蹄快狡穴未盡須窮追湖海粗豪今豈在  
但憶嗚呼如餓鷄北鄰亦復淡生活要我忍寒吟此詩  
手龜筆退不可捉墨泓齟齬水生衣

次韻子永見贈建除體

建子玉杓直黃昏月如霜除道啓柴局客來巾履忙滿  
炷寒缸油共此書檠光平生卜鄰願何意登我堂定交  
吾豈敢南榮慚伯陽執手道古作遺篇記河梁破窓風  
鳴悲孤客多慨傷危腸不捋飢我詩安得昌成章類村  
歌但可侶牛羊收功翰墨藪微子誰能良開卷得雅音  
玉鑿導旂常閉戶坐相念雪深梅暗香

與胡經仲陳朋元遊照山堂梅數百株盛開

九陌緇塵滿客襟錢塘門外有園林胡牀住處梅無限

酒旆垂邊柳未深晴日煖風千里目殘山剩水一人心  
元方伯始皆吾黨邂逅清遊直萬金

次韻胡邦衡祕監

斯言向來立千古敢疵瑕有命孤蓬轉何心勁箭加人  
窮名滿世天定客還家回首冥恩怨虛空不著花

三月四日驟煖

日脚融晴晚氣暄睡餘初覺薄羅便如何柳絮沾泥處  
煖似槐陰轉午天

久雨地濕

汗礎經旬未肯乾  
破窓隨處有蝸涎  
祇今不耐春陰得  
想見黃梅細雨天

畫錦行送陳福公判信州

漢家麟閣多王侯  
冠佩相望經幾秋  
畫錦聲名兩榮耀  
惟有信州如相州  
國南門頭折楊柳  
借問江津垂白叟  
住在行都四十年  
曾見歸舟似公否  
人言公與赤松期  
颯車羽輪來何時  
雲出雲歸俱是道  
苦學赤松還未妙

君不見補陀大士海復山隨喜却來觀世間

送張真甫中書奉祠歸蜀

種成桃李恰新陰  
忽憶家山叢桂林  
客路莫嫌歸計拙  
春江爭似駭機深  
一封朝奏鈞天夢  
萬里江行魏闕心  
後日還朝飽風露  
黑頭應有雪絲侵

送周子充左史奉祠歸廬陵

黃鵠飄然下九關  
江船載月客俱還  
名高豈是孤臣願  
身退聊開壯士顏  
傾蓋當年真旦暮  
沾巾明日有河山

後期淹速都難料相對猶憐鬢未斑

送陳天子大監同年使閩

春闕十載記英遊蚤喜時才近采旒夷路着鞭方逸駕  
急流回首忽扁舟雲霄正穩君猶去塵土無邊我合休  
問訊後車容客否茶山荔浦看南州

送陸務觀編修監鎮江郡歸會稽待闕

寶馬天街路煙篷海浦心非關愛京口自是憶山陰高  
興餘飛動孤忠有照臨浮雲付舒卷知子道根深

見說雲門好全家住翠微京塵成歲晚江雨送人歸邊  
鎖風雷動軍書日夜飛功名袖中手世事巧相違

送李仲鎮宰漂陽

相逢已歎十年遲冷淡貧交又語離玉筍換班通籍後  
黃梅催雨送帆時月巖家世猶為縣仲鎮方金瀨溪山  
叔孫也好賦詩喚起酸寒孟東野倒流三峽洗餘悲

送吳元茂丞浦江

玉筍翻乘縣佐車飄然不肯待新除才名已被人爭說



官簿何妨計小疎，憶昨西湖同我載。從今南浦望君書，  
遙知斂板趨風後，始覺承哉果負予。

雪晴呈子永

碧空無處泊，同雲晴入荒園鳥。雀馴冰面小，風池欲動  
雪邊濃。日瓦如薰，塵容俗狀長為客。冷蕊疎枝又作去聲

春詩卷，豈能生煖熱。犯寒聊復惱比鄰。

次韻子永雪後見贈

雪瓴待伴半陰晴，竟日檐冰溜雨聲。九陌泥乾塵未動，

南山石露塔猶明稍聞吉語占農事便覺歸心勝宦情  
想得秣田來歲好瓦盆加釀灌愁城

次韻郊祀慶成

帝德重堯緒天心與舜禋慶期符後甲元日際初辛土  
緯扶南極旄胡拱北辰律諧風自艮衡正斗垂寅桂燎  
靈宮曉蕭脂太室晨百神森壁壘萬衛密鈎陳日月青  
旂色雷霆玉輅塵洗兵銀漢水收雪紫壇春天步臨黃  
道仙班像玉宸陶匏宗素樸琮璧慕精純祕祝哀時對

高游歎下賓金鐘鳴傑簾朱火蕙芳新日麗雞竿盡天  
旋鳳律新端門敷錫後六合共綢緼

從巨濟乞蠟梅

寂寥人在曉雞窓苦憶花前續斷腸全樹折來應不惜  
君家真色自生香

次韻朋元賣花處見梅

煙濃日淡不多寒擔上看花雪作團想得竹邊春已暗  
明朝走馬過溪看

與正夫朋元遊陳侍御園

沙際春風捲物華  
意行聊復到君家  
年年我是曾來客  
處處梅皆舊識花  
官減不妨詩事業  
地寒猶辦醉生涯  
城中馬上那知此  
塵滿長裾席帽斜

正月十四日雨中與正夫朋元小集夜歸

燈市淒清燈火稀  
雨中風帽笑歸遲  
月明想在雲堆處  
客醉都忘馬滑時  
老去樽前花隔霧  
春來句裏鬢成絲  
浮生不了悲歡事  
作劇兒童總未知

次韻子永夜雨

辦作長愁客工哦苦雨吟挑燈今夕意歌枕故園心漏  
屋疎疎滴空檐細細斟相過巷南北屐齒怕泥深

次韻朋元遊王氏園

聯翩步履翠微間回首紅塵自鮮歡捲地雨添千澗急  
擁門雲鎖兩山盤絕憐茶笋能留客仍喜蛙聲不在官  
雪白楊梅消息未重來應至麥秋寒

遊靈石山寺

寺門頰壁有仙人顏禹李甲蕭筠三人題詩方運筆時伸臂丈餘闕人驚

報主僧回  
顧已失矣

西湖富清麗城府塵事并我獨數能來不負雙眼明  
騷殘絮罷颭颭新荷成歲華日夜好遊子能無情  
午陰釀初暑稍喜巾袂輕小風吹鬢毛將我入松聲  
崖寺金碧暗石泉肝膽清壽菑萬蛟舞靈峰雙髻撐  
仙人昔來游筆墨上朱薨舉臂尋丈高聊得兒童驚  
老矣謝狡獪題詩記吾曾

次韻李器之編修靈石山萬歲藤歌

君不見東林怪蔓之詩三百年字如金繩鐵索相糾纏  
不如李侯靈石句筆陣壓倒長城堅藤陰詩律兩秀發  
此段奇事今無前吾聞草木未有不黃落雨荒霜倒相  
後先絲絲紫藟天所壽風雨不動常蒼然堅姿絕鄰傲  
一世深本無極融三泉騰蚪舞蛟矯欲去流蘇絡帶翩  
如仙班荆芘藜得吾黨酌泉共吸杯中天詩成一斗屬  
太白擘牋揮掃如雲煙北門西掖君自有坐擁紅藥然  
金蓮山腰澗底莫濡滯早晚天風吹蛻蟬

次韻正夫遊王園會者六人

丘園窈窕復崎嶇草木生香景倍殊  
花下百杯齊物我雲邊一眼盡江湖  
不知朱戶趨趨者能勝青山放浪無  
六逸蕭然真可畫為君題作竹溪圖

四月五日集陳園照山堂

尋壑經丘到此堂官閑聊作送春忙  
短籬水面殘紅滿團扇風前衆綠香  
盡捲簾旌延竹色深斟杯酒納山光  
洞門無鎖城門近轉午雞啼日正長



題寶林寺可賦軒

十里山行雜市聲  
道傍無處濯塵纓  
寶林寺裏逢修竹  
方有詩情約略生

次韻朋元久雨

誰釀愁露玉宇間  
都緣梅子要爛斑  
騰騰困思午猶夢  
擾擾奔雲風未還  
休問滿城騎馬滑  
不妨長日閉門閒  
今朝晴色熹微似  
乾鵲飛來語屋山

韓無咎檢詳出示所賦陳季陵戶部巫山圖詩仰

窺高作歎息彌襟余嘗攷宋玉談朝雲事漫稱先  
王時本無據依及襄王夢之命玉為賦但云頽顏  
怒以自持曾不可乎犯干後世弗察一切溷以媒  
語曹子建賦宓妃亦感此而作此嘲誰當解者輒  
用此意次韻和呈以資撫掌

瑤姬家山高插天碧叢竒秀古未傳向來題目經楚客  
名字徑度岷峨前是邪非邪莽誰識喬林古廟常秋色  
暮去行雨朝行雲翠帷瑤席知何人峽船一息且千里

五兩竿頭見旛尾仰窺仙館至今疑行人問訊居人指  
千年遺恨何當申陽臺愁絕如荒村高唐賦裏人如畫  
玉色頰顏元不嫁後來飢客眼長寒浪傳樂府吹復彈  
此事牽連到溫洛更憐塵鞮有無間君不見天孫住在  
銀濤許塵間猶作兒女語公家春風錦瑟傍莫為此圖  
虛斷腸

次韻樂先生吳中見寄八首

金鶴飛來尺素通新詩字字挾光風三年湖海關心處

都在先生句子中

官居門巷果園西  
桃李成蹊杏壓枝  
如許年芳忙裏過  
斬新今日試題詩

墓林棲鳥各深枝  
燕子知巢觸幔飛  
倘有三椽今已去  
不關五斗解忘歸

懶不看書似姓邊  
夢魂飛繞白鷗前  
須知席帽衝塵出  
不似篷窓聽雨眠

送春濛雨漲蘋灘  
荷葉田田柳絮閑  
想見垂虹三萬頃

拍天湖水釣絲寒

知從了義透音聞古井無波豈更渾便好一坑埋衆妙  
何須六結解諸根

幾多螻蟻與王侯往古來今共一丘遮莫功名掀宇宙  
百年兩角寄蝸牛

粟囊聊復寄三餐埋沒緇塵懶濯冠紅紫百般紛過眼  
鄉山歲晚自蒼官

胡長民監元挽詞

太學齋鹽舊中吳翰墨聲闕山題柱筆風露讀書檠夜  
雨綠荷破孤墳丹桂生空將擅場手往記玉樓成

次韻朋元正夫夜飲

歌豪仍作家奕勝豈徵幸莫嗤老非少乃尚可以逞玉  
瓶引杯長政爾寒漏永二三文章公共此銀燭影陳卿  
得秀句劉郎一笑領羸駭兀殘夢乘墜恍難省曉枕訂  
更潮俱墜無何境

次韻趙正之同年客中

清班合列大明宮，自要牛刀試一同。  
踏徧巉巖吾道在，莫將尋尺較窮通。

羶車席帽各青春，花下驂騑一闕塵。  
離合飄零十霜露，咸陽客舍有詩人。

可憐山縣五斤手，不識王孫八斗才。  
君自扶搖有霄漢，從渠蜩鷓舞蒿萊。

次韻陳季鄰戶部旦過菴

宦遊觸處似懸匏，北嶽南山想獻嘲。  
拍手百年休鑄鐵。

蓋頭一把暫誅茅  
玉京歲晚梧桐落水國  
霜清橘柚包  
飛錫已隨歸夢去  
何人頂上鵲成巢

朋元不赴湖上觀雪之集  
明日余召試玉堂見寄  
二絕次其韻

雪溪清興未渠闌  
晚上西樓帶月看  
公子自貪低唱酒  
肯來同對玉峰寒

文場寧復鬢霜宜  
白玉堂前雪霽時  
不惜狂言張忌諱  
秃毫冰硯竟無奇



石湖詩集卷九